



SAKSFRAMLEGG

Sakshandsamar:	Arkiv:	ArkivsakID
Ann Kristin Bolstad		23/225

SAMARBEIDSAVTALE FOR SYNS - OG AUDIOPEDAGOGISK TENESTE VESTLAND - KOMMUNALT OPPGÅVEFELLESSKAP

Vedlagte saksdokument:

SAPT Vestland samarbeidsavtale

Kommunedirektøren sitt framlegg til vedtak:

Vaksdal kommune sluttar seg til samarbeidsavtalen for syns- og audiopedagogisk teneste Vestland.

Saksopplysningar:

Syns- og audiopedagogisk teneste (SAPT) har fungert som ei interkommunal teneste i Hordaland i mange år. Ved endring av kommunelova i 2020 er det nye krav til interkommunale samarbeid som alle deltakande kommunar må behandla i sine kommunestyre. Gjennom denne saken vert det lagt fram ein ny samarbeidsavtale i tråd med kommunelova kapittel 19 - Kommunalt oppgåvefelleskap.

Etter samanslåinga til Vestland fylke tok fylkeskommunen initiativ til at kommunane i Sogn og Fjordane skulle inviterast med i samarbeidet. Styret for SAPT har fulgt opp dette og førebudd ei utviding av SAPT, blant anna gjennom informasjonsmøter og dialog med kommunane i Sogn og Fjordane. Kommunedirektørutvalet i Vestland og KS Vestland har òg bidratt i prosessen og er positive til dette initiativet. Dette saksgrunnlaget er eit felles saksgrunnlag for tidligare og nye deltakarar i samarbeidet. Oppstart for nye deltakarkommunar vert planlagt frå 1. januar 2024.

Avtalen vert anbefalt behandla i alle kommunestyra innan medio april 2023. Styret må ha tilbakemelding frå alle gamle og nye medlemmar innan juni 2023 for å rekke fristen gitt i kommunelova (som for dette samarbeidet er 1. oktober 2023), og for å kunne førebu ei utviding og igangsetting for nye kommunar innan 1. januar 2024.

Kort om Syns- og Audiopedagogisk Teneste

SAPT har i dag 12,8 årsverk og består av synspedagogar og audiopedagogar som gir råd, rettleiing og tenester knytt til syns- og hørselsfeltet til innbyggjarane i kommunar og fylkeskommune. Tenesta arbeider både på system- og individnivå. Barn og unge er prioritert.

SAPT er ei resultatteining under byrådsavdeling for barnehage, skole og idrett (BBSI) og inngår i Etat for spesialpedagogiske tjenester. Bergen kommune har arbeidsgjevaransvar for dei tilsette.

SAPT sine oppgåver er å hjelpe og støtte kommunane og fylkeskommunen i å oppfylle krava i barnehagelov, opplæringslov og lov om folketrygd. Tenesta skal bidra til å sikra at kommunane og

fylkeskommunen har tenestetilbod på områder der desse ikkje har tilstrekkeleg fagleg kompetanse på feltet.

SAPT skal kartlegge, gje informasjon, råd og rettleiing til brukarar, føresette og nettverk innan syn og hørsel. Dette kan gis i heimen, i barnehage og skule/opplæringsstad eller på andre aktuelle arenaer, i form av pedagogiske, praktiske og tekniske tiltak.

SAPT deltar i etablering og oppbygging av nettverk rundt brukarar og aktuelle samarbeidspartnarar. SAPT tilbyr kurs for brukarar, føresette, tilsette i barnehage og skule, helsepersonell og andre samarbeidspartnarar/nettverk og hjelper/støtter PPT og OT/PPT med faglege råd og rettleiing. SAPT rettleiar brukarar til aktuelle og relevante hjelpetenester for vidare oppfølging.

I arbeidet med å revidera samarbeidsavtalen som skal behandlast, har styret vurdert korleis tenesta skal forhalde seg til den auka etterspurnaden frå eldre brukare. Styret har konkludert med å endra den øvre aldersgrensa til 70 år. Alternativt har styret vurdert det som nødvendig å auka kapasiteten i tenesta, noko som ville medført ein auka kostnad, noko styret ikkje ønska i denne omgang.

Det er òg gjort mindre justeringar i inntakskriterium, i tråd med vurderingar av kva brukarar som vil ha nytte av denne teenesta.

Stortingsmelding nr. 6, Tett på, vart i 2020 vedtatt i Stortinget. Meldinga beskriv endra oppgåver for Statped, og kommunane vil få fleire oppgåver i forhold til menneske med mellom anna syn- og/eller hørselstap. Statped skal konsentrera sine tenester om brukarane med dei mest omfattande behova. SAPT vil ivareta nokre av kommunane sine utfordringar på syns- og hørselsfeltet etter omorganiseringa av Statped.

I 2021 var brutto årskostnad for kommunane 21,74 kr per innbyggjar. Viss alle kommunane i Sogn og Fjordane vert med i samarbeidet, vil det bety ca fire nye årsverk.